



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,  
ordinis Prædicatorum, ac hæreticæ prauitatis Inquisitoris**

**Fumo, Bartolomeo**

**Antverpiae, 1570**

Venditio.

**urn:nbn:de:hbz:466:1-30427**

esse, quod peccatum constituerit mortale. Nam ex nimia venatione contingit, quod minorem homines habent curam de familia. de sepulchris, vel alijs, ad quos tenentur. Quinto, quando domini priuant alios ne possint venari, quod est contra naturalem legem, hoc enim tyrannicum est: secundum Cae. in summ. ibi, contra bonum commune, contra libertatem & utilitatem, & tantum est propter proprium bonum delectationis. Ideo non excusatur à mortali tales, maxime quando apponunt poenam notabilem alijs venantibus, nisi ab antiquo, cuius principij non esset recordatio, venationes sint domino reseruatae, & tunc etiam poena debet moderari. Non enim propter vanam venationem aequum est ut quis occidatur, vel mutiletur, neque tales leges vel statuta videntur tolerabilia, & iusta.

VENDITIO.

Venditio, supra, Emptio, & Negotiatio, & Monopolium, per totum.

VERBERATIO.

VERBERANTES scholares causa correctionis, & patres filios clericos etiam in sacris, licite faciunt, nec incidunt in canonem, si moderate faciant. sup. Excommunicatio. 1. Non enim hoc fit suadente diabolo, sed iustitia.

VERBERATVS ex eo quod non potest solvere, si veniat ad pinguiorem fortunam, non tenetur amplius solvere: secundum Bal. in l. si. f. in ius voc. quia luitio corporalis cedit loco solutionis. glo. in c. sicut indignum. de homi. Secus est, si est impotens, & differatur solutio, quia tenebitur quando venerit ad pinguiorem fortunam. e. Odoardus. de sol. & ibi Pa. Si autem est impotens, & cedit bonis, & non luit poenam, tenebitur: ut dicitur gl. in regul. peccatum. in 6. licet aliqui contrarium teneant, primum tamen melius. supra, Restitutio. §. 55.

VESTIS.

Vestis, supra, Ornatus, per totum. Consecratio. §. 12. Benedictio. §. 3. Abbas. §. 8.

VICARIVS.

VICARIVS est, qui alterius vices gerit, sive in officio contentioso,

sive non, extra de eodem, per totum. Et in direc. li. 3. tit. 8. c. de of. eius qui vi. al. ge. per totum.

VICARIORVM quidam sunt perpetui, & non ad tempus, ut qui ecclesiarum parochialium curam habent, & qui episcopi auctoritate constituntur, c. ad hanc. de of. vic. & tales aliam vicariam habere non possunt. c. prouideas. eo. ti. nec sine causa possunt amoueri. d. c. ad hanc. & debent habere 25 ann. & promoueri ad sacerdotium. in cle. quae de ecclesijs. eod. ti. aliam ipso facto sunt privati, & tales constituntur solum ecclesia parochiali, non rurali: secundum glo. in cle. vnic. eod. ti. & non possunt constituere vicarium alium perpetuum, sed bene temporale: ut dicit Car. ibi. Potest tamen instituire perpetuum vicarium auctoritate Episcopi rector ecclesiae: secundum Arch. Flor.

QUIDAM sunt vicarij temporales, sicut mercenarij in adiutorium curae animarum assumpti, quando scilicet rector per viam delegationis committit illi auctoritatem audiendi confessiones, quia hoc potest, etiam non habenti curam animarum, nisi sit ei prohibitum, ut perogrino, & ignoto. de cle. peregr. per totum. quia committere illis, ad Episcopum spectat. c. tua. de cler. peregr. Idem si committatur religioso, cui à sua regula, vel praelato prohibetur.

ALII sunt vicarij deputati super aliqua dioecesi, vel prouincia, vel loco, de quibus est c. pe. eod. tit. & e. ad iurimus. 16. q. 1. qui dicuntur iurisdictionales, tantam habentes auctoritatem, quanta eis conceditur. c. accepimus. de pri.

ALII sunt vicarij generales, qui ad omnia incumbunt praelato constituntur, non solum respectu curiae, sed etiam respectu omnium incumbentium, & possunt cognoscere causas totius dioecesis, inquirere, corrigere excessus, & huiusmodi non tamen beneficia conferre. c. cum generali. eod. tit. habent ordinariam iurisdictionem, & possunt excommunicare, sed quia in Italia vicarius, & officialis ratio differunt, inspicienda est eorum commissio, quae & quanta sit, & iuxta illius tenorem iudicare.